

## Hagit sa Pag-abot alang sa Napulo ka Adlaw sa Pag-ampo

Si Jesus nagatawag kanato dili lamang sa pag-ampo kondili usab sa pagsilbi sa espiritoanon ug lawasnon nga mga panginahanglan niadtong anaa sa palibot nato. “Kay gigutom ako ug inyo ako nga gipakaon, giuhaw ako ug inyo ako nga gipainom, nadumoloong ako ug gihinangop ninyo ang pagpasaka kanako, 36 hubo ako ug inyo ako nga gibistihan, nagmasakiton ako ug inyo ako nga giduaw, nabilanggo ako ug miadto kamo kanako” (Mateo 25:35, 36).

Sa *The Ministry of Healing* mabasa nato nga, “Kita kinahanglan magkinabuhig duha ka kinabuhi—ang kinabuhi sa paghunahuna ug binuhatan, sa hilum nga pag-ampo ug maikagon nga buhat” (p. 512). Kita nakadawat og hilabihan ka dakuj nga gugma gikan sa atong Manluluwas, ug kita nakadawat sa pribilihiyo sa pagpahat niana nga gugma ngadto sa mga higala, mga silingan, ug mga dumuloong nga nanginahanglan.

Hangyos ang Dios unsaon nimo ug sa imong iglesia nga makasilbi sa uban human sa Napulo ka Adlaw sa Pag-ampo. Samtang ka magbuhat sa pag-organisa sa mga aktibidadis sa pagsilbi, likayi nga ang mga han-ay motugaw kanimo gikan sa pag-ampo. “Ang mga personal nga paningkamot alang sa uban kinahanglan pagaunahan og daghan nga sekretong pag-ampo; kay kini nanginahanglan og dakung kaalam sa pagsabot sa siyensya sa pagluwas og mga kalag. Sa dili pa makigkumunika sa katawhan, makigkumunika kang Cristo. Didto sa trono sa langitnong grasya dawata ang usa ka pagpangandam alang sa pagministeryo ngadto sa katawhan” (*Prayer*, p. 313).

Aniay pipila ka mga paagi sa pagtabang sa uban. Pagpili unsay haum sa mga panginahanglan sa imong kumunidad, ug pwede nimo dugangan sa imong kaugalingon nga ideya.

- Magluto og pagkaon alang sa usa ka tawo nga nasakit.
- Magdapit og usa ka silingan/isigka-magbubuhay ngadto sa usa ka sosyal nga panagtigum.
- Maghatag og pagkaon ngadto sa usa ka tawo nga walay puloy-anan.
- Maghatag og bisti nga gusto nimo dawaton.
- “Mag-atiman” og usa ka lagas nga tawo. Duawa ang tawo kanunay ug tabangi sa mga trabahoon, pagpamalit, pagluto, og pag-atiman sa tanaman.
- Magluto og tinapay ug magpahat og tinapay sa usa ka silingan.
- Tabangan ang mga proyekto sa kumunidad.
- Magtanyag nga magbantay og usa ka masakiton o inutil nga tawo aron ang ilang mga tig-atiman makahimo og mga ginbuhaton.
- Moapil sa mga proyekto sa kumunidad.
- Magpaila-ila sa imong kaugalingon ngadto sa usa ka bag-o nga silingan pinaagi sa paglibre nila og usa ka kan-anan. Ipabati kanila sila imong giabi-abi diha sa kumunidad.
- Magpalit og mga palaliton ug ihatud kini ngadto sa usa ka nanginahanglan nga panimalay.
- Ihatag ang imong daan nga antiyohos.
- Magtanyag sa paghatag og usa ka pagtuon sa Biblia.
- Duawan ang mga tawo diha sa mga balay atimananan.
- Maghatag og kwarta alang sa “pagkaon” ngadto sa usa ka estudyante.
- Magkolekta og mga bisti alang sa mga nanginahanglan. Tingali sugdan nimo sa mga aparador sa imong iglesia alang sa pagpahat sa uban.
- Ihatag ang imong daan nga laptop og uban pang mga kahimanan.
- Maghatag og daan nga kotse.
- Mag-organisa og usa ka “Health Expo.”
- Magpadala og kard ngadto sa usa ka inutil.
- Mag-organisa og usa ka tigum sa wali.
- Tawgi ang imong mga silingan ug pangumustaha sila.
- Maghatag sa usa ka tawo og libro nga imong nahunahunaan nga gusto nila.

- Mang-apod-apod og mga tartados nga GLOW (mapalit dinhi: [www.glowonline.org/glow](http://www.glowonline.org/glow)).
- Magdapit og usa ka tawo sa pagdawat ni Jesus.
- Magtudlo unsaon sa pagluto.
- Manghatag og mga libro mahitungod sa mga topiko sa biblia.
- Maghatud og pagkaon ngadto sa usa ka tawo nga bag-o lang namatyan.
- Magduaw og usa ka tawo sa tambalanan sa pagpadasig kaniya o sa pagtabang kaniya sa laing paagi.
- Magbasa og basahon ngadto sa usa ka lagas.
- Magduaw og usa ka balay amponanan ug magtanyag sa imong tabang ngadto sa mga trabahante.
- Magtigum og grupo sa manahiay/manggonsilyohay aron sa pagpanahi og mga sinina nga ipanghatag.
- Basaha ang Biblia alang sa usa ka tawo nga dili makakita ni makabasa.
- Maghimog tigum alang sa mga batan-on sa gabii sa imong puloy-anan.
- Magbulontaryo sa usa ka balay alang sa mga tawo nga gipang-abusaran.
- Maghatag og pipila ka mga libro ngadto sa balay alang sa mga batang ilo.
- Magkuyog og mga bata gikan sa imong iglesia sa pagduaw og usa ka balay alang sa mga tiguwang. Magpresentar og usa ka programa alang kanila.
- Magplano ug maghimo og usa ka lingawlingaw nga adlaw alang sa mga bata nga may kapansanan ug sa ilang mga pamilya.
- Maghimo og usa ka adlaw sa paghinlo sa kumunidad.
- Magsugod og usa ka grupo sa pagpuyo nga himsug sa imong iglesia. Dapiton ang mga higala ug mga silingan.
- Manapit og tawo kon gusto sila manan-aw og usa DVD nga may espiritohanong mensahe. Sa inyong pagtan-aw, mag-ampo nga ang Balaang Espiritu mosulti ngadto sa kasingkasing sa tawo.
- Magdisenyo og imong kaugalingon nga proyekto.

Alang sa dugang kahinguhaan sa pagpanaksi, duawa ang [www.revivalandreformation.org/resources/witnessing](http://www.revivalandreformation.org/resources/witnessing).